

經方歌括卷下

壁山黃

鈺寶臣編

男

道階

道

久真

校字

金匱方

○瘧濕暈方

括萇桂枝湯

葛根湯

大承氣湯

麻黃加朮湯

已上四方俱見上卷傷寒方內

麻黃杏仁薏苡甘草湯

麻杏苡仁甘草湯半兩薏苡與麻黃甘草一兩杏十箇

風濕身疼屬久傷

麻黃苡仁各半兩甘草炙一兩杏仁十箇剉麻豆大每服四錢匕水一盞

半煎八分去滓溫服有微汗避風

愚按麻黃散寒薏苡除濕杏仁利氣助麻黃以驅寒

甘草補中假薏苡以去濕蓋痙病非風不成濕痺無

寒不作此風濕兼治之法也

防己黃耆湯 並加減法

防己黃耆一兩同七錢半朮五甘充大棗一枚薑四片

脈浮身重汗惡風

防己黃耆各一兩一本黃耆作一兩一分白朮七錢半甘草炙半兩剉麻

豆大每服五錢匕加生薑四片大棗一枚水盞半煎八分去滓溫服良久再服喘者麻黃加半

兩加桂三分治氣衝

氣上衝者加桂枝三分

胃中不和芍三分

胃中

不和加芍藥三分

下有陳寒細辛供

下有陳寒者加細辛三分

服後如蟲行

皮裏用被纏腰取汗通

尤在涇曰風濕在表法當從汗而解乃汗不待發而

自出表尙未解而已虛汗解之法不可守矣故不用
麻黃出之皮毛之表而用防己驅之肌膚之裏服後
如蟲行皮中及腰以下如冰皆濕下行之徵也然非
耆朮甘草焉能使衛陽復振而驅濕下行哉

桂枝附子湯

白朮附子湯

甘草附子湯

白虎加人參湯

已上四方俱見上卷傷寒方內

一物瓜蒂湯

瓜蒂湯用二七枚太陽中暍此方推身熱疼重脈微弱

夏月傷冷水行皮

瓜蒂二七箇剉以水一升煮取五合去滓頓服

尤在涇曰瓜蒂苦寒能吐能下去身面四肢水氣水去而暑解此治中暑兼濕者之法也

○百合狐惑陰陽毒方

百合病諸方

百合病由百脈傷起居冒昧證難量藥投吐利如神附

頭痛參觀溺更詳汗後百合與知母百合洗漬七枚良

知母三兩遵成法泉水別煎後合嘗

名百合知母湯用百合七枚知母三

兩先以水洗百合漬一宿當白沫出去其水別以泉水二升煎取一升去滓別以泉水二升煎知母取一升後

合煎取一升五合分溫再服

誤下須求主治法百合滑石代赭湯合

仍七枚赭彈大滑須三兩各煎強

百合七枚滑石三兩碎綿裹代赭石如彈

丸大一枚碎綿裹先煎百合如前法別以泉水二升煎滑石代赭石取一升去滓合和重煎取一升五合分溫

服五合

倘因誤吐傷陰者更用百合雞子黃百合七枚如

前法一枚雞子後入將

名百合雞子黃湯先煎百合如前法取一升去滓內雞子黃攪

勻煎五分溫服

若是未經汗吐下當用百合地黃湯合如前法

升地汁中病便如漆色漚

百合七枚生地黃汁一升先煎百合如前法取一升去滓

內地黃汁煎取一升五合溫分再服中病後勿再服大便當如漆

一月不解變成渴百

合一升漬洗良

名百合洗方以百合一升水一斗漬之一宿以洗身洗已食煮飯勿以鹽豉也

不瘥括樓牡蠣散等分末服效異常

飲服方寸七日三服變熱百

合滑石散合一滑二利便方

百合一兩滑石二兩為散飲服方寸七日三微利止

服

高士宗曰百合色白味甘手太陰之補劑也其花晝開夜合如氣之日行於陽夜行於陰司開闔以行營衛和陰陽

王晉三曰本文云百脈一宗明言病歸於肺君以百合甘涼清肺卽此可療此疾再佐以各經清解絡熱之藥治其病所從來當用先後煮法使不悖於手足經各行之理若誤汗傷太陽者溺時頭痛以知母救肺之陰使膀胱水府知有母氣救肺卽所以救膀胱

是陽病救陰之法也誤下傷少陰者溺時漸然以滑石上通肺下通太陽之陽恐滑石通府利竅仍蹈汗出之弊乃復以代赭石重鎮心經之氣使無汗泄之虞是陰病救陽之法也誤吐傷陽明者以雞子黃救厥陰之陰以安胃氣救厥陰卽所以奠陽明救肺之母氣是亦陽病救陰之法也

陳靈石曰病久不經汗吐下主之百合地黃湯者以百合清氣分之熱地黃洩血分之熱亦救陰法也百

合洗方者洗其外以通其內也食煮餅者假麥穀氣以輸津勿以鹽或者恐耗水以增渴也洗後而渴不差故用牡蠣以潛其陽樓根以生其津變熱者用滑石利小便以退表裏之熱使熱從小便出也

甘草瀉心湯

歌解見上卷傷寒方瀉心湯類

苦參湯並雄黃熏法

錄陳靈石金匱方歌

苦參湯是洗前陰下蝕咽乾熱最深

苦參一升以水一斗煎取七升去滓

熏洗日三

更有雄黃熏法在肛門蟲蝕亦良箴

雄黃一味爲末筒瓦二枚

合之燒向

肛熏之

陳靈石曰蝕於喉爲惑蝕於陰爲狐狐惑病乃感風
木濕熱之氣而生苦參苦寒氣清洗之以通陽道雄
黃苦寒氣濁熏之以通濁道苦以瀉火寒以退熱燥
以除濕濕熱退而蟲不生矣

赤小豆當歸散

赤豆當歸治微煩眼眦赤黑變多般無熱汗出但欲臥
三升豆浸芽曝乾十分當歸漿水服赤小豆三升浸令
芽出曝乾當歸十

分杵爲散漿水
服方寸匕日三先血後便亦無難

愚按赤豆去濕當歸養血漿水以和胃氣○本草赤

豆排癰膿當歸治瘡瘍此方用治血痔亦效

升麻不甲湯 升麻鼈甲去雄黃蜀椒湯

陽毒升麻鼈甲湯赤斑咽痛吐膿傷歸椒甘草兩俱一

升二鼈指半兩黃

升麻二兩鼈甲手指大一片炙當歸蜀椒炒去汗甘草各一兩雄黃半兩

水四升煮取一升頓服之老小再服取汗

陰毒面青喉身痛除去椒黃主此

方

王晉三云升麻升清逐穢辟百邪解百毒統治溫厲
陰陽二病佐當歸通絡中之血甘草解絡中之毒微
加鼈甲守護營神俾椒黃猛劣之品攻毒透表不能
亂其神明陰毒去椒黃者恐反動厲毒也

○瘡病方

鼈甲煎丸

鼈甲煎丸治瘡宗柴胡蟻螂六分工鼈甲赤硝十二分

五分牡

丹皮

夏芍蠹蟲一分參歷瞿桃二蜂窠獨取四分

通三分歲膠芩薑桂扇婦朴葦大黃同煅竈下灰取一

斗清酒斛半浸灰中着甲煮令如膠漆絞汁煎藥丸如

桐空心七丸日三服老瘧得此效無窮

柴胡蜚螭熬各六分鼈甲炙赤

硝各十二分牡丹皮半夏芍藥廬蟲各五分人參葶藶各一分瞿麥桃仁各二分蜂窠炙四分紫葳卽凌霄阿膠黃芩乾薑桂枝烏扇卽射干燒鼠婦熬厚朴石葦去毛大黃各三分右爲末取煅竈下灰一斗清酒一斛五升浸灰俟酒盡一半着鼈甲於中煮令爛如膠漆絞取汁內諸藥煎爲丸如梧子大空心服七丸日三服

徐忠可曰藥用鼈甲煎者鼈甲入肝除邪養正合煅

竈灰所浸酒去瘕故以爲君小柴胡湯桂枝湯大承

氣湯爲三陽主藥故以爲臣但甘草嫌柔緩而減藥力枳實嫌破氣而直下故去之外加乾薑阿膠助人參白朮溫養爲佐痕必假血依痰故以四蟲桃仁合半夏消血化痰凡積必由氣結氣利而積消故以烏扇葶藶利肺氣合石葦瞿麥清邪熱而化氣散結血因邪聚則熱故以牡丹紫葳去血中伏火膈中實熱爲使千金方去鼠婦赤硝而加海藻大戟以軟堅化水更妙

白虎加桂枝湯 歌解見上卷傷寒方白虎湯類

蜀漆散

蜀漆散治瘧多寒陽爲痰阻伏心間蜀漆雲母龍骨等

分杵先時漿水服半錢

蜀漆洗去腥雲母燒二日夜龍骨等分杵爲散未發前以漿水

服半錢匕

王晉三曰蜀漆常山苗也苗性輕揚生用能吐雲母
在土中蒸地氣上升而爲雲故能入陰分逐邪外出
於表然邪氣久留心主之宮城恐逐邪涌吐內亂神